

Dieselve Stroß

Musik & Text Björn Heuser / Verlag:

Es dat dieselve Stroß wie jestern,
wo du un ich
Sulang mer denke künne lang jonn,
ich weiß et wirklich nit,
et es jet anders – irjendwie.

Es dat et selve Bild wie jestern,
met dir un mir;
han jedaach et wör et beste,
jetz sonn ich su vüür dir,
kütt mer schon ärsch komisch vüür...

**Die Jeseech es kalt,
ding Stemm es drüsch,
dinge Odem ruhig. ...
Dinge Bleck es leer,
ich däät fass sare duut. ...
Ich verstonn dich joot.**

Es dat dieselve Stadt wie domohls,
wo nur mir zwei
Eins saate mer jonn niemohls,
jetz es och dat vorbei,
du bes nit mieh dobei. ...

Es dat et selve Huus wie jestern,
nur für dich un mich,
han jedaach mer wööten ald drin,
jo die Zigge ändre sich;
jetz setz ich allein he in der Köch. ...

Die Jeseech es kalt ...

Es dat dieselve Frau wie morje,
ich jläuv et nit,
han diss Naach mieh Hätz verlore,
will nit wesse, wie et weed. ...